


戰國策正解

趙下

六下

土岐文庫  
文庫17  
W201  
8



文庫 17  
W201  
8



戰國策正解卷六下

橫田惟孝著

趙下

惠文王下

凡六章

趙收天下。且以伐齊。

據下文云從於強秦與之伐齊。蘇

厲為齊上書說趙王曰。臣聞古之賢君。德行非施於

海內也。教順慈愛。非布於萬民也。祭祀時享。非當於

鬼神也。甘露降。風雨時至。農夫登。年穀豐盈。眾人喜

之。而賢主惡之。為于偽反。下為變同。上時掌反。說始

疑當作割。農夫年穀易地。當作年穀登。農夫豐盈。穀

熟曰登。是皆不可至而至者。故可惡而不可喜也。

010185189827

昭和六十年二月日  
土田善庵氏  
寄贈

今足下功力非數痛加於秦國而怨毒積惡非曾深

陵於韓也數色角反曾音層○功力謂勲功勤力也

趙怨毒積惡亦不深也臣竊外聞大臣及下吏之議皆言王前

專據以秦為愛趙而憎韓在他邦聞故曰外聞前

者以秦愛趙而趙惡韓故秦為趙憎韓故也臣竊以事觀之秦豈得愛趙

而憎韓哉欲亡韓吞兩周之地故以韓為餌先出聲

於天下欲鄰國聞而觀之也恐其事不成故出兵以

佯示趙魏恐天下之驚覺故微伐韓以貳之恐天下

疑已故出質以為信聲德於與國而實伐空韓質音致

言以事情觀之趙功力非數痛加於秦秦何得愛趙而憎韓欲亡韓吞兩周以愛趙憎韓為鈞趙之餌也



先謂不伐韓之前也出發也言先發愛趙而憎韓之

聲於天下欲鄰國聞其聲而觀其實也示示伐韓也

微少也貳攜貳也言恐天下驚覺其詐謀故少伐韓

以使諸侯攜貳韓也與國謂趙也韓無救援故曰空

而實欲伐空韓也臣竊觀其圖之也議以為秦計謀

必出於是此言秦之愛趙可惡而不可善也且夫說

士之計皆曰韓亡三川魏滅晉國是韓未窮而禍及

於趙夫音扶下同○晉國謂安邑也言韓亡三川則魏必滅中安邑是猶如是也言如說士之計則韓

未至窮而禍先及於趙也蓋三晉唇齒之國故其勢如是此言伐韓之害也且物固有勢

異而患同者又有勢同而患異者昔者楚人久伐而

中山亡魏策云中山恃齊魏以輕趙齊魏伐楚今燕而趙亡中山是也是勢異而患同者也今燕

盡韓之河南距沙丘而至鉅鹿之界三百里距於扞

伐國策正評 卷六下 後周國策

關。至於榆中五百里。

盡津忍反。下同。○盡謂盡得其地。沙丘趙地。扞關趙關。鉅鹿榆

中皆燕地也。此言燕近趙也。

秦盡韓魏之上黨。則地與國都邦屬

而壤挈者七百里。秦以三軍強弩坐羊腸之上。即地

去邯鄲二十里。

屬音燭。下同。○上黨韓魏兩屬。故曰韓魏之上黨。挈與携同。亦連屬之義。

謂秦地與趙國都邦壤連屬也。坐猶守也。此言秦近趙也。且秦以三軍攻王之上

黨。而危其北。則勾注之西。非王之有也。今踰勾注。禁

常山。而守三百里。通於燕之唐曲。遇此代馬胡駒不

東。而崑山之玉不出也。此三寶者。又非王之有也。注。勾

山名。禁猶閉也。今從於強秦。與之伐齊。臣恐其禍出於是矣。

是。指上文所言之也。言趙從秦伐齊。則其患害至于昔此矣。是勢同而患異者也。以上言伐齊之害也。

者五國之王。嘗合橫而謀伐趙。三分趙國壤地。若之

盤盂屬之。讎柞。著直略反。屬屬通。讎柞。酬酢通。○五

盛物器。朝夕所用。言勅功於此器。朝夕酬酢之間。曷之。示不忘其功也。五國之兵有日

矣。齊韓乃西師。以禁秦國。使秦發令。素服而聽。反温

軹。高平於魏。反三公。什清於趙。此王之所明知也。素服

謂縞素也。魏策服縞素。避舍是也。蓋兵敗。以喪禮自處也。言使秦發令於國。服縞素而聽齊韓命。以歸二

國侵地也。夫齊韓事趙。宜為上交。今乃以抵罪。取伐。臣恐

其後事王者。不敢自必也。抵當也。謂以功當罪。且見伐由二國言之。故曰

取也。言二國有功於趙。宜為上交。而趙所為如之。恐後事王者不敢自必事王也。今王收齊。

天下必以王為得韓。抱社稷以事王。天下必重王。天下

必以王為得疑當作齊必以王為德蓋天下涉下文而誤得字音之誤也不伐而收之故為德也抱社稷以事言舉然則齊義王以天下就之下至韓慕王以

天下收之是一世之命制於王已下至二字疑衍文吳師道曰就者屈

就之收者臣願大王深與左右群臣卒計而重謀先

事成慮而熟圖之也卒于律反重直用反卒盡也

**考異**坊本時下無至字喜作善曾本非曾深陵於韓也作非素深於韓齊也坊本王前作王前

諸本議以為秦計謀作議秦以謀計今從一本高本五百上有十字羊腸作羊唐坊本腸下有唐字

今從秦坊本通於下無燕之二字五國上無昔者二字齊韓高本作韓一字坊本作齊一字今從一本

本高本軛作積諸本明上無所字今從一本坊本抵作邱事王下無者之二字高本無收齊之齊字

坊本得韓作得齊下更有齊字諸本抱作危今從曾本高本則齊之齊作韓一本齊下有韓字坊本

韓慕之韓作齊一本制作至

秦攻趙蘭離石祁拔趙以公子部為質於秦而請內

焦黎牛狐之城以易蘭離石祁於秦趙背秦不予焦

黎牛狐秦王怒令公子繒請地趙王乃令鄭朱對曰

夫蘭離石祁之地曠遠於趙而近於大國有先王之

明與先臣之力故能有之今寡人不逮其社稷之不

能恤安能收恤蘭離石祁乎寡人有不令之臣實為

此事也非寡人之所敢知卒背秦質音致內音納背音佩予音與令力

呈反除不令章內皆同夫音扶卒于律反○不逮不及先王也不令不善也秦王大怒令

衛胡易伐趙攻閼與趙奢將救之魏令公子咎以銳

師居安邑以挾秦秦敗於閼與反攻魏幾廉頗救幾

大敗秦師閼與上阿葛反下音豫將子匠反幾音祁言下谷救趙夾秦軍以制之幾邑名也

考異一本焦作應

鄭同北見趙王趙王曰子南方之博士也何以教之

鮑彪曰同鄭人鄭在趙之南愚謂博士博洽之士也吳師道曰秦官有博士或戰國儒士有比稱閼若璩曰史記循史列傳公儀休者魯博士也以高第為魯相博士名官始見於此秦因之鄭同曰臣

南方草鄙之人也何足問雖然王致之於前安敢不

對乎臣少之時親嘗教以兵少詩照反○草鄙草莽鄙野也趙王曰

寡人不好兵鄭同因撫手仰天而笑之曰兵固天下

之狂喜也臣固意大王不好也好呼報反下同○或曰狂喜當作狂器字音之訛也晉語董安于以戰功為狂疾愚謂此說得之意意度也臣亦嘗以兵說魏

昭王昭王亦曰寡人不喜臣曰王之行能如許由乎

許由無天下之累故不受也說始銳反下同喜許記及行下孟反○不受謂

不聽受人之說兵也今王既受先王之傳欲宗廟之安壞地不

削社稷之血食乎王曰然受先王之傳異下於無天下之累者今有久

操隨侯之珠持丘之環萬金之財時宿於野內無孟

賁之威荆慶之斷外無弓弩之禦不出宿夕人必危

之矣操七刀反賁音奔斷丁亂反○持丘蓋地名也時當作特字之誤也荆慶成荆慶忌皆勇士也

關君長曰出猶過也宿若不宿肉之宿今有強貪之夕亦夜也言不過一夜而人必危中害之

國臨王之境。索王之地。告以理則不可。說以義則不聽。王非戰鬪守圍之具。其將何以當之。王若無兵鄰國得志矣。趙王曰。寡人請奉教。索所白反。圍禦同。

考異

高本博作傳。臣固之固。諸本作故。今從一本。坊本受作愛。諸本鬪作國。今從纂。坊本圍作

禦無將字

樓緩將使伏事。

使所吏反。○吳師道曰。伏事。隱秘之事也。

辭行。謂趙王曰。

臣雖盡力竭智。死不復見於王矣。

盡津忍反。復見上扶又反。下賢遍反。

下同。○緩以伏事出使。恐讒與得罪。故以斯言要王也。

王曰。是何言也。固且為

書而厚寄卿。

寄託也。王不達緩意。以為緩憂外患。故曰致書於所使之國。而厚託緩。令以無

也。樓子曰。王不聞公子牟夷之於宋乎。非肉不食。文

張善宋。惡公子牟夷。寅然。

非肉不食。謂其貴也。左莊十年傳。肉食者謀注云。肉

食。在位者。寅然上下。必有闕文。鮑彪改作宋然。之。未知然否。

今臣之於王。非宋之

於公子牟夷也。而惡臣者。過文張。故臣死不復見於

王矣。王曰。子勉行矣。寡人與子有誓言矣。樓子遂行。

後以中牟反入梁。侯者來言。而王弗聽。曰。吾已與樓

子有言矣。

中牟。趙邑也。反。謂叛趙。吳師道曰。以中牟反入梁。或者秘謀之事。歟。穆文熙曰。人臣

居外。讒言易興。此古今通患。比之公子。尤為至精。卒之候者之言不入。蓋趙王賢君矣。

燕封宋人榮。蚤高陽君。使將而攻趙。趙王因割濟東

三城。合盧高唐平原陵地。城邑市五十七。命以與齊。

而以求安平君而將之。

將子匠反。下除將軍餘皆同。濟子禮反。下同。○陵地。墳墓

之地也。命謂命有司也。安平君田單也。馬服君謂平原君曰。國矣無久

甚哉。君致安平君而將之。乃割濟東三城。合城市邑

五十七。以與齊。此夫子與敵國戰。覆軍殺將之所取

地於敵國者也。今君以此與齊。而求安平君而將

之。國矣無久甚也。夫子指平原君也。之所之。猶而也。關君長曰。當語往時。稱夫子。方

今則稱君。愚謂與難得地。而求將於他邦。可謂國無久矣。且君矣不將奢也。奢嘗

抵罪居燕。燕以奢為上谷守。燕之通谷要塞。奢習知

之。百日之內。天下之兵未聚。奢已舉燕矣。然則君奚

求安平君而為將乎。守手又反。塞先代反。奢。馬服君名也。平原君曰

將軍釋之矣。僕已言之。僕主矣。僕主幸已聽僕也。將

軍無言已。馬服君曰。君過矣。君之所以求安平君者

以齊之於燕也。茄肝涉血之仇。邪。其於奢也。不然。音耶。

耶。茄肝涉血之仇。謂困苦必報之仇也。不然。言奢意異於平原也。使安平君愚。固不

能當榮。使安平君智。又不肯與燕人戰。此兩言者

安平君必處一焉。雖然。兩者有一也。使安平君智。則

奚以趙之強為。趙強。則齊不復霸矣。處昌呂反。復扶又反。趙之強

為。謂不為強。趙也。今得強趙之兵。以杜燕將。曠日持久。數歲

令士大夫餘子之力。盡於溝壘。車甲羽毛。剝敝。府庫

倉廩虛。兩國交以故。乃引其兵而歸。數色主反。令力呈反。杜猶拒

也。言唯拒燕將而已。不能成功也。餘子。眾子從軍者。盡於溝壘。言不用其力於戰伐。徒盡於擊溝築壘也。

後形圖



羽毛即也。夫盡兩國之兵。無明此者矣。夫音扶。盡津忍。關君長曰。

夫指安平也。安平為將。則盡兩國兵力。必無能利。而無明知此者矣。是奢豫論安平之詞。愚謂奢言止于此。以下記。

是軍也。懸釜而炊。得三城也。城大無能過百雉者。果如馬服之言也。懸釜而炊。吳師道以為此。時或有水。黃杜預注左傳。

云。方丈曰堵。三堵為雉。是言困苦而少功也。

考異

高本城合作城。令一本無陵字。坊本城邑市。作城市邑。高本無下城合二字。三下有令字。

坊本甚也。作甚哉。高本敝作習之。二字。坊本同。今從曾劉本。坊本無城下也字。

趙惠文王三十年。相都平君田單。相息亮反。○吳師道曰。都平即安平。

也。問趙奢曰。吾非不說將軍之兵法也。所以不服者。

獨將軍之用眾。用眾者。使民不得耕作。糧食輓賃。不可給也。此坐而自破之道也。非單之所為也。單聞之。

帝王之兵。所用者不過三萬。而天下服矣。今將軍必負十萬二十萬之眾。乃用之。此單之所不服也。說音悅。○

問疑當作謂。關君長曰。車曰輓。人曰賃。謂轉送軍餉。民不得耕。則稅募不可給。軍食。馬服君曰。

君非徒不達於兵也。又不明其時勢。兵謂兵略也。夫吳干

之劍。肉試則斷牛馬。金試則截盤匝。薄之柱上而擊之。則折為三。質之石上而擊之。則碎為百。今以三萬

之眾。而應強國之兵。是薄柱擊石之類也。夫音扶。下同。斷音短。

下同。薄迫各反。○吳干。吳之干將也。按荀子疆國篇注引此。干下有將字。然呂子疑似篇。相劍者之所患。

劍之似吳干者由是則不必補且夫吳干之劍材難

夫母脊之厚而鋒不入無脾之薄而刃不斷兼有是

兩者無鈎罕鐔蒙須之便操其刃而刺則未入而手

斷君無十萬二十萬之眾而為此鈎罕鐔蒙須之便

而徒以三萬行於天下君焉能乎操七刀反刺七亦

謂難得也脾近刃處也蓋他劍脊厚則鋒不入脾薄

則刃不斷而干將不然是其材之所以難得也鈎劍

頭鏃也字書無罕字疑夾之訛夾與鈇通劍柄所握

者莊子周宋為鐔韓魏為夾鐔劍口旁橫出者須疑

三物蒙劍首也且古者四海之內分為萬國城雖大

無過二百丈者人雖眾無過三千家者而以集兵三

萬距此奚難哉鮑彪曰集言平時今取古之為萬國

者分以為戰國七能具數十萬之兵曠日持久數歲

即君之齊已數色主反關君長曰單三萬之齊以

二十萬之眾攻荆五年乃罷趙以二十萬之眾攻中

山五年乃歸鮑彪曰此言雖眾猶今者齊韓相方兩

國圍攻焉豈有敢曰我其以三萬救是者乎哉方比

猶爭也今千丈之城萬家之邑相望也而索以三萬之

眾圍千丈之城不存其一角而野戰不足用也君將

以此何之索所白反不存其一角言城大兵少曾

兵無所可之都平君喟然大息曰單不至也鮑彪

慮不及此

考異

坊本都平並作平都無用者之若字高本服下無君字坊本類作謂母並作無兩作二單作罕鐔作譚曾本須作項一本便操間有恐字坊本君無之君作若高本十萬作十餘坊本同今從纂一本三下無百字坊本七下有二字高本兩國作而國坊本同今從一本

孝成王

凡二十七章

趙太后新用事秦急攻之趙氏求救於齊齊曰必以長安君為質兵乃出太后不肯大臣強諫太后明謂左右有復言令長安君為質者老婦必唾其面質音致下願見太后太后盛氣而揖之左師官名林西仲曰恐其言及長安君作色以拒入而徐趨至而自謝曰老臣病足曾不能疾走不

得見久矣竊自恕

曾才能反以病亦知太后不罪

而恐太后

玉體之有所郤也故願望見太后

關君長曰言下雖自怨亦以太后為憂

也人有郤則邪入為疾忌言疾故曰郤

太后曰老婦恃輦而行

以答曰病足

日食飲得無衰乎曰恃鬻耳

鬻音同曰老臣今者殊不

欲食乃自強步日三四里少益嗜食和於身也太后

曰老婦不能

嗜猶甘也

太后之色少解

解音雙左師公曰老

臣賤息舒祺最少不肖而臣衰竊愛憐之願令得補

黑衣之數以衛王宮昧死以聞

少詩照反下同息子舒祺其名也林西

仲曰最少則不知成立不肖則不能成立衰則不及其成立哀憐則當代計其成立也黑衣戎服衛王宮割愛使離左右也暗射長安君身上太后曰敬諾年幾何矣對曰十五

歲矣。雖少願及未填溝壑而託之。填溝壑謂死也。言願及已未死託之。

林西仲曰。雖少不堪。役恐過此老臣死後無以自託也。暗射太后身上。太后曰。丈夫亦

愛憐其少子乎。對曰。甚於婦人。太后笑曰。婦人異甚。

異殊也。齊策異貴於此者何也。對曰。老臣竊以為媼之愛燕后賢於

長安君。曰。君過矣。不若長安君之甚。媼。女老稱。燕后。太后女嫁燕者。

左師公曰。父母之愛子。則為之計深遠。媼之送燕后

也。持其踵為之泣。念悲其遠也。亦哀之矣。已行非弗

思也。祭祀必祝之。甚曰。必勿使反。豈非計久長為子

孫相繼為王也哉。太后曰。然。除為王之為。餘皆于偽及下為長同。祝之又反。

左師公曰。今三世以前。至於趙之為趙。趙主之子孫

侯者。其繼有在者乎。曰。無有。趙之為趙。上趙氏。下趙國也。謂晉卿為諸侯主。

謂簡子。襄子也。曰。微獨趙。諸侯有在者乎。曰。老婦不聞也。非微也。

此其近者禍及身。遠者及其子孫。豈人主之子孫

則必不善哉。位尊而無功。奉厚而無勞。而挾重器多

也。奉音俸。下同。挾藏也。重器。謂金玉。今媼尊長安君之位。而封之以

膏腴之地。多予之重器。而不及今。令有功於國。一旦

山陵崩。長安君何以自託於趙。老臣以媼為長安君

計短也。故以為其愛不若燕后。太后曰。諾。恣君之所

使之。予音與。陵說見秦策。於是為長安君約車百乘。質於齊。

齊兵乃出。乘。繩證反。子義聞之。曰。人主之子也。骨肉之親

也猶不能恃無功之尊無勞之奉以守金玉之重也  
而况人臣乎。林西仲曰人臣非骨肉之親尤當以功勞自致

考異

一本藝作龍坊本盛氣上無太后二字一本無入而之而字坊本無而恐之而字曰老上無太后二字願令下無得字高本宮珠作官沒坊本亦作沒今從一本坊本無笑字劉本為之泣作而泣之祝坊本念作令下開悲字之甚作之祝高本長為作長有坊本同今從曾本坊本趙主作趙王子孫作子侯尊長安下無君字封下無之字

秦王謂公子他曰昔歲殺下之事韓為中軍以與諸侯攻秦韓與秦接境壤界其地不能千里展轉不可約日者秦楚戰於藍田韓出銳師以佐秦秦戰不利因轉與楚不固信盟唯便是從韓之在我心腹之疾

吾將伐之何如。他徒多反下同○事役也不公子他

曰王出兵韓韓必懼懼則可以不戰而深取割王曰

善乃起兵一軍臨滎陽一軍臨大行韓恐使陽城君

入謝於秦請効上黨之地以為和。行戶剛反令韓陽

告上黨之守靳黈曰秦起二軍以臨韓韓不能支今

王令韓興兵以上黨入和於秦使陽言之大守大守

其効之。令力呈反下令使令相令公同守手又反下亭守其守大守同○韓興兵疑當作陽城君

靳黈曰人有言挈瓶之智不失守器王則有令而臣

失守雖王與子亦其猜焉臣請悉發守以應秦若不

能卒則死之。卒子律反○挈瓶挈瓶汲者賤者也守器即謂瓶也言挈瓶之人其智猶不失

所職守之器猜疑也謂疑其不智也

韓陽趨以報王

王曰吾始已諾於應侯矣今不與是欺之也乃使馮

亭代斬黈馮亭守三十日陰使人請趙王曰韓不能

守上黨且以與秦其民皆不欲為秦而願為趙今有

城市之邑七十願拜納之於王惟王才之應於陵

趙王喜召平陽君而告之曰韓不能守上黨且以與

秦其吏民不欲為秦而皆願為趙今馮亭令使者以

與寡人何如使所吏反趙豹對曰臣聞聖人甚禍無

故之利王曰人懷吾義何謂無故乎對曰秦蠶食韓

氏之地中絕不令相通故自以為坐受上黨也故固

中絕謂國都與上黨中絕而不相通

且夫韓所以內趙者欲嫁其禍也

秦被其勞而趙受其利雖強大不能得之於小弱而

小弱顧能得之強大乎今王取之可謂有故乎且秦

以牛田水通糧其死士皆列之於上地令嚴政行不

可與戰王自圖之

夫音扶下同內音納下同被皮寄

黨者愚謂上地上流之地即牛田水之上流也王大怒曰夫用百萬之眾攻

戰踰年歷歲未見一城也今不用兵而得城七十何

故不為趙豹出王召趙勝趙禹而告之曰韓不能守

上黨今其守以與寡人有城市之邑七十二人對曰

用兵踰年未見一城今坐而得城七十此大利也未見

一城謂未見  
得二城也

乃使趙勝往受地趙勝至曰敝邑之王

使使者臣勝告太守有詔使臣勝謂曰請以三萬戶

之都封太守千戶封縣令諸吏皆益爵三級民能相

集者賜家六金

關君長曰使使者臣勝告太守此說  
在趙受命之事有詔謂趙王告勝以

謂太守之言  
也集安集也

馮亭垂涕而勉曰是吾處三不義也為

主守地而不能死而以與人

不義一也主內之秦不

順主命不義二也賣主之地而食之不義三也辭封

而入韓謂韓王曰趙聞韓不能守上黨今發兵已取

處昌呂反為干偽反  
勉疑當作  
韓告秦曰趙

起兵取上黨秦王怒令公孫起王齮以兵遇趙於長

平

穆文熙曰馮亭何人也始而嫁禍繼而辭封兩事  
皆高出策士之表然而嫁禍之謀慘矣何忍以空

餌釣隣好致中成  
長平之敗死乎

考異

坊本一軍臨滎陽作一萬臨勞陽一本無韓  
與之韓字坊本臣失作臣太亦其作其亦無

臣開二字錢劉本牛田作牛甲戰攻之戰一本作  
城一本本作齊高本此大上無七十二字坊本受地

下無趙字勉作免  
守地下無而字

秦趙戰於長平趙不勝亡一都尉趙王召樓昌與虞

卿曰軍戰不勝尉復死寡人使卷甲而趨之何如

又反卷卷勉反趨音趣○關君長曰言不惟軍敗都  
尉又死王怒之甚愚謂卷甲而趨之欲潛軍襲秦也

樓昌曰無益也不如發重使而為媾

卿曰夫言媾者以為不媾者軍必破而制媾者在秦

夫音扶。○言講之成。且王之論秦也。欲破王之軍乎。

其不邪。王曰。秦不遺餘力矣。必且破趙軍。其不之。不音否。邪音

耶。虞卿曰。王聊聽臣。發使出重寶。以附楚魏。楚魏欲

得王之重寶。必入吾使。趙使入楚魏。秦必疑天下合

從也。且必恐如此。則媾乃可為也。從子容反。恐丘勇反。趙王不

聽與平陽君為媾。發鄭朱入秦。秦內之。內音納。下同。與平陽君

為媾。謂下與趙豹相議為媾。趙王召虞卿曰。寡人使平陽君媾秦。秦

已內鄭朱矣。子以為奚如。虞卿曰。王必不得媾。軍必

破矣。天下之賀戰勝者。皆在秦矣。鄭朱趙之貴人也。

而入於秦。秦王與應侯。必顯重以示天下。楚魏以趙

為媾。必不救王。秦知天下不救王。則媾不可得成也。

應於陵反。○顯重。謂顯重。鄭朱以示講於天下。趙卒不得媾。軍果大敗。王入

秦。秦留趙王。而後許之媾。卒子律反。

考異 坊本無不勝二字。復作係。媾皆作講。一本無秦知二字。及成字。

秦攻趙於長平。大破之。引兵而歸。因使人索六城於

趙。而講。趙計未定。樓緩新從秦來。趙王與樓緩計之。

曰。與秦城何如。不與何如。樓緩辭讓曰。此非臣之所

能知也。王曰。雖然。試言公之私。索所白反。下同。○樓私謂私意之所思。

樓緩曰。王亦聞夫公甫文伯母乎。公甫文伯宦於魯。病

死。婦人為之自殺於房中者二。八。其母聞之。不肯哭。



也相室曰焉有子死而不哭者乎其母曰孔子賢人也  
 也逐於魯是人不能隨今死而婦人為死者十六人若  
 是者其於長者薄而於婦人厚夫音扶下同為于偽  
同相息亮反焉於處反長丁大反○相室見秦策鮑  
彪曰稱是人不能子之也吳師道曰檀弓文伯之喪敬  
姜據其牀而不哭曰云云與樓  
緩之言相出入辯士之言或過  
 母也從婦言之必不免為妬婦也故其言一也言者  
 異則人心變矣今臣新從秦來而言勿與則非計也  
 言與之則恐王以臣之為秦也故不敢對使臣得為  
 王計之不如予之王曰諾予音與下同○虞卿聞之  
 入見王王以樓緩言告之虞卿曰此飾說也見賢遍  
反下入

見同○關君長曰言文飾秦既解邯鄲之圍而趙王  
之說非實為趙計之也  
 入朝使趙郝約事於秦割六縣而講吳師道曰此脫  
為章首者此策非邯鄲解圍後事關君  
長曰是非說趙王之言蓋史文錯出  
 王曰何謂也  
 虞卿曰秦之攻趙也倦而歸乎王以其力尚能進愛  
 王而不攻乎以為猶以王曰秦之攻我也不遺餘力矣  
 必以倦而歸也虞卿曰秦以其力攻其所不能取倦  
 而歸王又以其力之所不能攻以資之是助秦自攻  
 也來年秦復攻王王無以救矣復扶又反下同○言  
資於秦是助秦自攻也  
 王又以虞卿之言告樓緩  
 樓緩曰虞卿能盡知秦力之所至乎誠不知秦力之

所至此彈丸之地猶不爭也。今秦來年復攻，王得無

割其內而講乎。盡津忍反。下自盡必盡同。彈徒案反。令力呈反。○彈丸之地，喻小，即謂六

城也。內，內地也。言虞卿誠不知秦力之所至，以為倦而歸，故此彈丸之地猶不與而講也。今不講，來年秦

復攻，王不得講。王曰：誠聽子割矣。子能必來年秦之

不復攻我乎？樓緩對曰：此非臣之所敢任也。任音士，下同。

任保也。昔者三晉之交於秦相善也。今秦釋韓魏而獨

攻王，王之所以事秦必不如韓魏也。今臣為足下解

負親之攻，啓關通幣，齊交韓魏，至來年而王獨不取

於秦王，之所以事秦者必在韓魏之後也。此非臣之

所敢任也。負親已見啓關通幣，言使幣出入於關，王齊同也。言秦與趙交同於韓魏，取收也。

以樓緩之言告虞卿，曰：樓緩言不講，來年秦復攻，王

得無更割其內而講？今講，樓緩又不能必秦之不復

攻也。雖割何益？來年復攻，又割其力之所不能取而

講也。此自盡之術也。不如無講。自盡，言數割以講，秦此自盡其地也。

雖善攻不能取六城，趙雖不能守而不至失六城，秦

倦而歸兵必罷。我以五城收天下，以攻罷秦，是我失

之於天下而取償於秦也。吾國尚利，孰與坐而割地

自弱以強秦？今樓緩曰：秦善韓魏而攻趙者，必王之

事秦不如韓魏也。是使王歲以五城事秦也。即坐而

地盡矣。來年秦復求割地，王將予之乎？不予，則是棄

前資而挑秦禍也與之則無地而給之罷音疲挑徒了反關君

長曰挑誘也秦復求地趙不與之則秦怒而攻之是前資之地徒為棄物而誘秦見攻之禍也語曰

強者善攻而弱者不能自守今坐而聽秦秦兵不敵

而多得地是強秦而弱趙也以益愈強之秦而割愈

弱之趙其計固不止矣且秦虎狼之國也無禮義之

心其求無已而王之地有盡以有盡之地給無已之

求其勢必無趙矣故曰此飾說也王必勿與王曰諾

言告之樓緩曰不然虞卿得其一未知其二也夫秦

趙構難而天下皆說何也曰我將因強而乘弱今趙

兵困於秦天下之賀戰勝者則必盡在於秦矣故不

若亟割地求和以疑天下慰秦心不然天下將因秦

之怒乘趙之敝而瓜分之趙且亡何秦之圖王以此

斷之勿復計也難乃且反說音悅斷丁亂反疑天

於秦而慰安於秦怒趙之心也鮑虞卿聞之又入見

王曰危矣樓子之為秦也夫趙兵困於秦又割地為

和是愈疑天下而何慰秦心哉是不亦大示天下弱

乎愈恐當作何且臣曰勿予者非固勿予而已也秦索六

城於王王以五城賂齊齊秦之深讎也得王五城并

力而西擊秦也齊之聽王不待辭之畢也是王失於

戰國策上解 卷六十一 後形圖

齊而取償於秦一舉結三國之親而與秦易道也音并

併○關君長曰固乃固執之固已止也言非固執無

字地而止鮑彪曰韓魏本趙與國與齊三愚謂易道

猶易地謂強弱相易也趙始困於秦將割地為和今

取地於秦而結三國之親是趙強而秦弱也故曰與

道也趙王曰善因發虞卿東見齊王與之謀秦虞卿

未反秦之使者已在趙矣樓緩聞之逃去○使所吏反

合於齊謀伐已而懼使來約

和親樓緩聞之懼誅逃去也

**考異** 高本上非臣間有人字坊本二八作二人為

一本趙也之趙作我坊本攻以之以作而無王又

之又字高本下所至間有不字坊本告虞卿下更

有虞卿二字守而之而作亦以五之五作六下以

五王五同一本無益愈之愈字坊本無必盡之盡

字無是不

之是字

秦圍趙之邯鄲魏安釐王使將軍晉鄙救趙畏秦止

於蕩陰不進魏王使客將軍辛垣衍間入邯鄲因平

原君謂趙王曰秦所以急圍趙者前與齊湣王爭強

為帝已而復歸帝以齊故今齊已益弱方今唯秦雄

天下此非必貪邯鄲其意欲求為帝趙誠發使尊秦

昭王為帝秦必喜罷兵去釐音僂間紀竟反復扶又

下王使使事同○以齊故言以齊不稱故秦亦失之

照字恐行開君長曰魏既救趙而實畏秦欲已免救

使謂曰秦所以急圍趙者以平原君猶豫未有所決

齊已弱欲趙尊秦為帝也

抹西仲曰猶疑其既尊此時魯仲連適游趙會秦圍

為帝之後未必罷兵趙聞魏將欲合趙尊秦為帝乃見平原君曰事將奈

何矣。仲曰：問何策以解秦圍。平原君曰：勝也何敢言

事。百萬之眾折於外，今又內圍邯鄲而不能去，魏王

使客將軍辛垣衍令趙帝秦，今其人在是，勝也何敢

言事。不能去，謂不能使秦兵去也。關君長曰：已魯連

曰：始吾以君為天下之賢公子也，吾乃今然後知君

非天下之賢公子也。梁客辛垣衍安在，吾請為君責

而歸之。平原君曰：勝請召而見之於先生。為君之為

為一為郤為人同，見賢遍及下而見同。○召當作紹，

或古字通，即下文紹介傳賓主之命者。林西仲曰：平

原受魯連之責，而不喻其旨，欲其與平原君遂見辛

垣衍曰：東國有魯連先生，其人在此，勝請為紹介而

見之於將軍。東國，謂齊。辛垣衍曰：吾聞魯連先生，齊國之

高士也。行人臣也，使事有職，吾不願見魯連先王也。

林西仲曰：其意以局外間人，不豫人國家事，見之無益。平原君曰：勝已泄之矣。

辛垣衍許諾。泄之，謂已言於魯連。魯連見辛垣衍而無言。辛垣

衍曰：吾視居此圍城之中者，皆有求於平原君者也。

今吾視先生之玉貌，非有求於平原君者，曷為久居

此圍城之中而不去也？魯連曰：世以鮑焦無從容而

死者，皆非也。今眾人不知，則為一身。從子容反。○以

周時隱者惡濁世，抱木而死者，見韓詩外傳。言世人

不知鮑焦非世而不顧死，以為無自寬容而取死者，

皆非也。今眾人不知，已志則見居此圍城之中，以為

為一身計者，猶世人於鮑焦也。連志下文所陳，即是

也。彼秦者棄禮義而上首功之國也。權使其士虜使其民。彼則肆然而為帝。過而遂正於天下。則連有赴東海而死矣。吾不忍為之民也。所為見將軍者。欲以助趙也。上首功。秦法斬首多為上功。斬一人首賜爵一級。權使。以權詐使也。虜使。以奴虜使也。關君長曰。過謂不惟稱帝於國。而及他邦也。愚謂遂正史記作為政當從。言秦縱肆為帝。不惟於其國。而為政於天下。遍天下士民皆受其權使虜使之害。仲曰。東海在齊之界。赴海而死。不肯西向也。應上鮑焦。句。愚謂欲以助趙。答下居圍城之中。而不。去且言不為一身也。辛垣行曰。先生助之奈何。魯連曰。吾將使梁及燕助之。齊楚則固助之矣。辛垣行曰。燕則吾請以從矣。若乃梁。則吾乃梁人也。先生惡能使梁助之邪。魯連曰。梁未睹秦稱帝之害。

故也。使梁睹秦稱帝之害。則必助趙矣。惡音烏。下惡能同。邪音耶。下同。○林西仲曰。上言士民受秦帝之害。此言列國受秦帝之害。梁知秦帝而害中於梁。自危懼前助趙不待於使也。辛垣行曰。秦稱帝之害。將奈何。魯仲連曰。昔齊威王嘗為仁義矣。率天下諸侯而朝周。周貧且微。諸侯莫朝。而齊獨朝之。居歲餘。周烈王崩。諸侯皆弔。齊後往。周怒。赴於齊曰。天崩地坼。天子下席。東藩之臣田嬰齊後至。則斮之。威王勃然怒曰。叱嗟。而母婢也。卒為天下笑。故生則朝周。死則叱之。誠不忍其求也。彼天子固然。其無足怪也。朝直遙反。下同。藩音蕃。卒律反。下同。○關君長曰。後往。猶後於往。言齊後諸侯而未往也。愚謂赴告也。天崩地坼。謂天子崩也。天子下席。謂嗣王居倚廬也。

後周圖

此嗟怒斥聲而汝也罵其母為婢賤之之詞為天下笑謂威王見笑也開君長曰彼謂秦外之也言秦為天子固當如周責於齊無怪言其必然 辛垣衍曰先生獨未見夫僕乎

十人而從一人者寧力不勝智不若邪畏之也夫音扶從

才用反下而從同○林西仲曰言非欲尊為天子受責備之害實畏秦之故不得不奉為帝猶僕之從主

雖受其責備無可如何矣魯仲連曰然梁之比於秦若僕邪辛垣

衍曰然魯仲連曰然吾將使秦王烹醢梁王辛垣衍

快然不說曰嘻亦太甚矣先生之言也先生又惡能

使秦王烹醢梁王魯仲連曰固也待吾言之說音悅

執之固讓衍固執不通使之默而聽也昔者鬼侯鄂侯文王紂之三公

也鬼侯有子而好故入之於紂紂以為惡醢鬼侯鄂

侯爭之急辨之疾故脯鄂侯文王聞之喟然而歎故

拘之於牖里之庫百日而欲令之死曷為與人俱稱

帝王卒就脯醢之地也爭音諍帝字疑行言昔者紂既脯醢諸侯今秦為天子

亦得烹醢梁王矣何為與秦俱稱王終就脯醢之地乎齊潛王將之魯夷維子

執策而從謂魯人曰子將何以待吾君魯人曰吾將

以十太牢待子之君夷維子曰子安取禮而來待吾

君彼吾君者天子也天子巡狩諸侯避舍納莞鍵攝

衽抱几視膳於堂下天子已食退而聽朝也魯人投

其籩不果納十太牢蓋當時待諸侯之禮莞鍵攝也關

國也攝持也社稷也籩籩同投籩言下其不得入於

其籩不果納壯閉也林西仲曰言魯不肯以齊為帝

魯將之薛假涂於鄒當是時鄒君死潘王欲入弔夷  
維子謂鄒之孤曰天子弔主人必將倍殯柩設北面  
於南方然後天子南面弔也倍音佩○關君長曰倍謂不當也北而主人受弔之位設之南方也周禮殯於西階上主人東階上西面則當殯而立也閔王將東階上南面弔之令主人去其棺北面於殯南以受之故謂不當殯柩鄒之羣臣曰必若此吾將伏劍而死故不敢入於鄒潘王不入弔也林西仲之臣生則不得事養死則不得飯含然且欲行天子之禮於鄒魯之臣不果納飯扶晚反含音玲○事養謂事老養幼也以珠玉實死者之口曰飯含言鄒魯國弱小其臣貧賤不能備生死之禮然且齊欲行天子之禮拒而不納也今秦萬乘之國梁亦萬乘之國俱據萬乘之國交有稱

王之名睹其一戰而勝欲從而帝之是使三晉之大  
臣不如鄒魯之僕妾也乘繩證反○林西仲曰鄒魯如他而欲帝秦尤賤之極矣且秦無已而帝則且變易諸侯之大  
臣彼將奪其所謂不肖而予其所謂賢奪其所憎而  
與其所愛彼又將使其子女讒妾為諸侯妃姬處梁  
之宮梁王安得晏然而已乎而將軍又何以得故寵  
乎予音與處昌呂反○吳師道曰無已必欲為之而不止也關君長曰讒僂通賤也於是辛  
垣衍起再拜謝曰始以先生為庸人吾乃今日而知  
先生為天下之士也吾請去不敢復言帝秦庸常也秦  
將聞之為却軍五十里適會魏公子無忌奪晉鄙軍



以救趙擊秦秦軍引而去

將子匠反○陳子龍曰魯仲連與平原垣行談于圍城之中而秦將知之者問謀精也

於是平原君欲封魯仲連魯仲連辭

讓者三終不肯受平原君乃置酒酒酣起前以千金

為魯連壽魯連笑曰所貴於天下之士者為人排患

釋難解紛亂而無所取也即有所取者是商賈之人

也仲連不忍為也遂辭平原君而去終身不復見

且反賈音古

乃難

考異

高本無客將之客字今齊下有潘王二字坊本潘作閔今從纂坊本無能去之能字錢劉本請召之請作為坊本請召間有為字錢劉本介而見作交一字坊本無君者之君字彼秦下無者字禮義下無而字死矣作死耳齊楚下無則字諸本坊作折今從一本坊本然吾間有則字快作快

高本庫作車欲令之令作舍納莞間有于字坊本退而聽朝作而聽退朝無俱據萬衆之國六字梁王作梁主曾本今日下無而字坊本適會下無魏字軍引作引軍

秦攻趙平原君使人請救於魏信陵君發兵至邯鄲

城下秦兵罷虞卿為平原君請益地謂趙王曰夫不

關一卒不頓一戟而解二國患者平原君之力也用

人之力而忘人之功不可趙王曰善將益之地

下為君同夫音扶下同○頓壞也二字疑衍言解國患者平原請救之力也公孫龍聞之

見平原君曰君無覆軍殺將之功而封以東武城趙

國豪傑之士多在君之右而君為相國者以親故

匠反相息亮反下同○吳師道曰秦漢以前用右為上如云位在廉頗右愚謂言平原無功能而受封為

相以親戚故也。夫君封以東武城，不讓無功，佩趙國相印，不辭無能，一解國患，欲求益地，是親戚受封，而國人計功也。為君計者，不如勿受。受，言始受封為相，不以下無國患，稍足以塞責，而不足以為功，而今求益地，是親戚不計功而受封，國人計功而受賞，親疎異法，不可故不如此。勿平原君曰：謹受令，乃不受封。令猶受之便。

考異

坊本力下無也字，纂忘下無人字，坊本故作也，一本國相作相國。

秦攻魏，取寧邑，諸侯皆賀。趙王使往賀，三反不得通。趙王憂之，謂左右曰：以秦之強，得寧邑，以制齊趙，諸侯皆賀，吾往賀而獨不得通，此必加兵我，為之奈何？左右曰：使者三往不得通者，必所使者非其人也。曰：

諒毅者，辯士也。大王可試使之。

王使曰：使之使所使及下而使使若若使

使者同。○曰諒之曰，當作有，下文有覆之有，當作白，互誤也。

諒毅親受命而往，至

秦獻書秦王曰：大王廣地寧邑，諸侯皆賀，敝邑寡君亦竊嘉之，不敢寧居，使下臣奉其幣物，三至王廷，而使不得通，使若無罪，願大王無絕其權。若使有罪，願得請之。言請罪狀秦王使使者報曰：吾所使趙國者，小大皆聽吾言，則受書幣，若不從吾言，則使者歸矣。諒毅對曰：下臣之來，固願承大國之意也，豈敢有難？大王若有以令之，請奉而行之，無所敢疑。難乃且反。○言小事大事皆從其所也。於是秦王乃見使者曰：趙豹平原君數欺弄寡

人趙能殺此二人則可若不能殺請今率諸侯受命  
邯鄲城下諒毅曰趙豹平原君親寡君之母弟也猶  
大王之有葉陽涇陽君也大王以孝治聞於天下衣  
服之便於體膳啗之噍於口未嘗不分於葉陽涇陽  
君葉陽君涇陽君之車馬衣服無非大王之服御者  
數色角反葉舒涉反下同  
聞音問○啗食也噍慙也  
臣聞之有覆巢毀卵而鳳  
凰不翔剗胎焚矢而麒麟不至天鳥老反○未生者曰胎方生者曰矢不翔不至者惡傷其類且恐其及已也今使臣受大王之令以還報敝邑  
之君畏懼不敢不行無乃傷葉陽君涇陽君之心乎  
趙王畏懼秦怒行殺戮於趙豹平原陽則葉陽涇陽必恐其及已矣是傷其心也秦王曰諾勿

使從政諒毅曰敝邑之君有母弟不能教誨以惡大  
國請黜之勿使與政事以稱大國秦王乃喜受其幣  
而厚遇之惡烏路反與音豫稱尺證及○稱謂稱其意也

考異

坊本無往賀之往字一本齊作弱一本無親受之親字坊本若使下有若字高本奉而下

趙使姚賈約韓魏韓魏以友之

友謂厚禮親之也張洲曰欲得之故友之

以疑問於趙范睢為魏使齊而齊厚禮之用此術也

茅舉為姚賈謂趙王曰賈也王之忠臣也韓魏欲得之故友之將使王逐之而已因受之今王逐之是韓魏之欲得而王之忠臣有罪也故王不如勿逐以明王之賢而折韓魏招之為于

為反言今王逐賈則是二國得其所欲而王之忠臣有得罪也故不如勿逐以明王之能用忠臣而折斷二國招之也

考異 坊本無魏以之字劉本友皆作反坊本招之作之招

謂皮相國曰以趙之弱而據之建信君涉孟之讎然者何也以從為有功也相息亮反從子容反下同

建信君知從之無功建信君安能以無功惡秦哉不能以無功惡秦則且出兵助秦攻魏以楚趙分齊則

是強畢矣言雖以從為有功然齊不合從則建信君當知從之無功建信君安能以無功之從

惡交於秦哉分猶離也言離齊而合秦也強畢謂圖強之計畢於此矣以上言從不合則必不得不橫也

建信春申從則無功而惡秦秦分齊齊亡魏則有功而善秦故兩君者奚擇有功之無功為知哉知音智秦分

之秦齊亡之齊吳師道以為行是矣兩君謂建信春申也擇疑釋訛之適也猶取也言離齊唯楚趙從則無功而惡秦離齊助秦亡魏則有功而善秦故二君奚舍有功而善秦取無功而惡秦而為智哉言二君必不然也蓋容涉孟之人也

考異 高本君安之君作者坊本同今從一本坊本秦分之分作合功之下有與字

或謂皮相國曰魏殺呂遼而衛兵亡其北陽而梁危

相息亮反按下章曰今收河間是與殺呂遼何以異據之呂遼蓋秦之所重者而魏殺之故秦怒伐魏

魏兵敗失亡北陽而梁也衛屬魏衛亦魏也

河間十二縣賂秦秦以封呂不韋秦策所謂不韋欲攻趙以廣河間是也時趙方與諸侯合從欲收河間

後

後

後

後

後

後

後

後

後

後

後

後

故封不定秦趙倍音佩文信不得志三晉倍之憂也○文信

呂不韋封號也言不韋不得今魏耻未滅趙患又起

文信侯之憂大矣魏殺呂遼之耻未滅而趙收河間

是文信之憂所信以天也齊不從三晉之心疑矣從子容反○上

信知從之無功此言三晉疑從之無功也憂大者不計而構心疑者事秦

急秦魏之構不待割而成文信憂大而魏心疑故秦

秦從楚魏攻齊獨吞趙齊趙必俱亡矣今楚魏攻齊

獨攻趙吞滅之如是則齊趙必俱亡矣考異坊本無或字北作比高本而趙

魏使人因平原君請從於趙三言之趙王不聽出遇

虞卿曰為人必語從虞卿入王曰今者平原君為魏

請從寡人不聽其於子何如虞卿曰魏過矣王曰然

故寡人不聽虞卿曰王亦過矣王曰何也曰凡強弱

之舉事強受其利弱受其害今魏求從而王不聽是

魏求害而王辭利也臣故曰魏過王亦過矣從子容

偽考異坊本章未過

平原君謂馮忌曰吾欲北伐上黨出兵攻燕何如馮

忌對曰不可夫以秦將武安君公孫起乘七勝之威

而與馬服之子戰於長平之下大敗趙師因以其餘

戰國策正解 卷六下 後形圖

兵圍邯鄲之城。趙以亡敗之餘衆，收破軍之敵守，而秦罷於邯鄲之下。趙守而不可拔者，以攻難而守者

易也。上音扶，將子匠反。大敗之敗，必邁反。罷音疲，下同。易以豉反。○敵謂疲敵之卒，守謂守邯鄲也。

守者之疑行。今趙非有七克之威也，而燕非有長平之禍

也。今七敗之禍未復，而欲以罷趙攻強燕，是使弱趙

為強秦之所以攻，而使強燕為弱趙之所以守，而強

秦以休兵承趙之敵，此乃強吳之所以亡，而弱越之

所以霸。故臣未見燕之可攻也。平原君曰：善哉。以弱越承

強吳之敵，兵亡而越霸，况以強秦承弱趙之敵乎。

考異 高本謂作請坊本拔下有然字者下無以字

平原君謂平陽君曰：公子車游於秦，且東而辭應侯

應侯曰：公子將行矣，獨無以教之乎。曰：且微君之命

命之也。臣固且有效於君。應於陵反下同。○言雖無

將有進於君。夫貴不與富期，而富至；富不與梁肉期，而梁

肉至；梁肉不與驕奢期，而驕奢至；驕奢不與死亡期

而死亡至。累世以前，坐此者多矣。應侯曰：公子之所

以教之者厚矣。夫音扶，累力委反。○關君長曰：累僕

世以前言自今以前不但一世。得聞此，不忘於心，願君之亦勿忘也。平陽君曰：敬諾。

僕平原自稱也。

考異 坊本固作故

說張相國曰君安能少趙人而令趙人多君君安能

憎趙人而令趙人愛君乎說始銳反相息亮反今力呈反

夫膠漆至黏也而不能合遠鴻毛至輕也而不能自

舉夫飄於清風則橫行四海故事有簡而功成者因

也夫音扶初女乙反黏也關君長曰因今趙萬

乘之強國也前漳滏右常山左河間北有代帶甲百

萬嘗抑強齊四十餘年而秦不能得所欲乘繩證反漳下同

下也不輕今君易萬乘之強趙而慕思不可得之小

梁臣竊為君不取也易以豉反為于偽反○張居君

曰善吳師道曰相國稱君自是之後眾人廣坐之中未嘗不言

趙人之長者也未嘗不言趙俗之善者也長丁丈反

建信君貴於趙蓋以色見貴寵公子魏牟過趙趙王迎之顧

反至坐過音戈顧反猶還反也韓子商太宰使少

王迎之故不直進也前有尺帛且令工以為冠工見客來也因

避令力呈反下同趙王曰公子乃驅後車幸以臨寡

人願聞所以為天下言驅後車者不敢斥其乘車謙也為治也魏牟曰王

能重王之國若此尺帛則王之國大治矣趙王不說

形於顏色曰先王不知寡人不肖使奉社稷豈敢輕

戰國策正解 卷六下 後周

國若此魏牟曰王無怒請為王說之曰王有此尺帛

何不令前郎中以為冠治直吏反不說之說音悅王

偽反○前郎中指郎中在王前者王曰郎中不知為冠魏牟曰為冠

而敗之奚虧於王之國而王必待工而後乃使之今

為天下之工或非也社稷為虛戾先王不血食而王

不以予工乃與幼艾敗必邁反虛音墟戾厲通予音與○虛戾見秦策艾美好也男

女通稱閭若璩曰楚辭少司命幼艾指女色此幼艾指建信君男色是也且王之先帝駕

犀首而駮馬服以與秦角逐秦當時適其鋒今王憧

憧乃輦建信以與強秦角逐臣恐秦折王之掎也適

歷反○駕駮以二人喻馬也角逐也適當也言先王有犀首馬服之良以與秦競逐而秦能當其鋒也言

秦強也憧憧往來不絕貌持轉蓋通借車兩旁植木也關君長曰難謂壞車故曰折轉言必為秦所敗矣

考異坊本令工下有入字高本先王作先生坊本適作避持作轉

或謂建信君曰君之所以事王者色也昔之所以事

王者智也色老而衰智老而多以日多之智而遂衰

惡之色君必困矣建信君曰奈何曰並驥而走者五

里而罷乘驥而御之不倦而取道多君令昔乘獨斷

之車御獨斷之勢以居邯鄲令之內治國事外刺諸

侯則昔之事有不言者矣君因言王而重責之昔之

軸令折矣罷音疲令力呈反斷丁亂反○刺疑當作制字之誤也言制斷諸侯之事關君長曰

有不言之者猶有不可言者也言昔荷內外重任獨斷治事必過失多大有不可言者矣因其過失以言王



而重罪責之。此應乘驥而御。任重而軸折。以喻不勝多事而敗。此應獨斷二句。建信君再拜受命。入言於王。厚任普以事。而重責之。未期年而普亡走矣。期音基。

**考異** 高本曰下無君字。坊本無日字。今從一本。坊本普作普。一本作普。高本軸令之。今作令。坊本拜下無受字。

苦成常謂建信君曰。天下合從而獨以趙惡秦何也。從子容反。下同。惡烏路反。獨猶持也。以猶以為也。言天下合從者皆惡秦也。而秦特以為趙惡秦者何也。

魏殺呂遼而天下交之。今收河間。是與殺呂遼何

以異。殺呂遼收河間事皆見上。言魏殺呂遼而天下交魏。今趙收河間。秦以為天下合從而由趙收河間。是以特以為趙惡秦也。君唯釋虛偽疾文信侯。

猶且知之也。釋舍也。虛偽謂始賂秦以河間。今復收封文信侯。如是則秦猶且知趙不惡秦也。從而有功乎。何患不得收河間。

從而無功乎。收河間何益也。言從而有功則河間可必得矣。無功則趙且亡矣。今收之而何益於趙也。

**考異** 坊本合從作公從。高本是作於是。坊本同。今從一本。坊本釋作飾。偽下無疾字。無功下無乎字。

希寫見建信君。建信君曰。文信侯之於僕也。甚無禮。

秦使人來仕。僕官之丞相。爵五大夫。文信侯之於僕也。甚矣其無禮也。相息亮反。官之丞相謂使為丞相。官屬吳師道曰。秦武王二年。初置丞相。秦爵五大夫。第九。劉昭曰。軍吏也。據此策。則不特秦官。趙亦有之。戰國改置。遞相效也。鮑彪曰。言

戰國策正解 卷六十一 後形圖

已待之厚彼 希寫曰臣以為今世用事者不如商賈

建信君勃然曰足下卑用事者而高商賈乎曰不然

夫良商不與人爭買賣之賈而謹司時時賤而買雖

貴已賤矣時貴而賣雖賤已貴矣商賈之賈音古之賈音嫁夫音

扶司伺通○司時謂伺物價貴賤之時也己甚也言

伺時察賤而買之雖買之貴而比於賤時則甚賤矣

察貴而賣之雖賣之賤而比於賤時則甚貴矣此言

良商不與人爭伺時買賣雖暫居貨而卒能獲大利

以諷建信亦能不與文信爭觀昔者文王拘於牖里

而武王羈於玉門卒斷紂之頭而懸於太白者是武

王之功也卒子律反斷音短○羈束也按汲冢紀年

千塞車羈文王于玉門呂子武王不忌玉門

當文王拘於牖里而武王亦羈於玉門也太

也此言文武不爭得時而成 今君不能與文信侯相

仗以權而貴文信侯少禮臣竊為君不取也仗抗同

反○言今不能抗衡以權力而責其少

禮是不觀時而與人爭乃不如商賈也

**考異** 高本文王下有之字坊本羈

魏愬謂建信君曰人有置係蹄者而得虎虎怒決蹠

而去虎之情非不愛其蹠也然而不以環寸之蹠害

七尺之軀者權也蹠音介與沁同○係蹄用繩繫獸

蹄者也權稱錘也所以稱物而知

輕重也今有國非直七尺軀也而君之身於王非環寸

之蹠也願公之熟圖之也言保有國非直如虎保其

虎愛其蹠有急則必決去之矣

考異 坊本題 作愈

秦攻趙鼓鐸之音聞於北堂希卑曰夫秦之攻趙不

宜急如此此召兵也聞音問夫音扶○北堂蓋深宮也召兵言內應者召秦兵故其

而訪之先言橫者則其人也建信君果先言橫急如此也

贊贊當作贊字之誤也說苑梁王贊其羣臣而議其過贊聚也

考異 坊本連 下章

齊人李伯見孝成王成王說之以為代郡守而居無

幾何人告之反孝成王方饋不墮食說音悅守手又反○關君長曰

饋饋進食也墮墜也人有驚怒墜食以不墜食明其不驚怒也無幾何告者復至孝

成王不應已乃使使者言齊舉兵擊燕恐其以擊燕

為名而以兵襲趙故發兵自備今燕齊已合臣請要

其敝而地可多割復扶又反使者之使所吏及要一遙反○合合戰也要邊也言二國

合戰必有一疲因以兵邀邀而擊之則可多割取地矣

自是之後為孝成王從

事於外者無自疑於中者為于偽反○言居外從事於便宜者皆信王之不疑也

為齊獻書趙王曰臣一見而能令王坐而天下致名

實而臣竊怪王之不試見臣而窮臣也為于偽反下為王同令力

也呈反○名尊名實土地也羣臣必多以臣為不能者故王重見臣

也以臣為不能者非他欲用王之兵成其私者也非

也

也

也

也

然則交有所偏者也。非然則智不足者也。非然則欲以天下之重恐王而取行於王者也。重見之重直用及恐兵勇反

重見猶難見也。偏謂偏黨於一國。取行於王謂取己說行於王也。臣以齊循事王。王

能亡燕。能亡韓魏。能攻秦。能孤秦。臣以齊致尊名於

王。天下孰敢不致尊名於王。臣以齊致地於王。天下

孰敢不致地於王。臣以齊為王求名於燕及韓魏。孰

敢辭之。臣之能也。其前可見已。以猶使也。循順也。尊名帝號也。名謂稱臣。

趙已稱帝。則列國稱臣也。前可見言可見於未效之前。齊先重王。故天下盡重

王。王無齊。天下必盡輕王也。秦之強以無齊之故。重

王。燕韓魏自以無齊故重王。今王無齊。獨安得無重

天下。言趙無齊則不得。不重有齊之國。故勸王無齊者。非智不足也。

則不忠者也。非然則欲用王之兵。成其私者也。非然

則欲輕王以天下之重。取行於王者也。非然則位尊

而能卑者也。願王之孰慮無齊之利害也。孰熟通。輕王謂使

趙無齊以輕王也。

**考異**坊本書趙下無王字。高本趙王下有使臣與

無成其私三字。坊本私者也。下無非然二字。取行

下無於王二字。曾本循作脩。高本秦臣以下有為

字。一本已作矣。坊本無之故之字。高本無燕韓

之韓字。坊本安得作安能。一本無得無之無字。坊

本無足也。之也字。

趙使趙莊合從欲伐齊。齊請効地。趙因賤趙莊。從子容反。

戰國策正解 卷六 後周 臣

下同。○開君長曰。齊不合從。故趙欲代之。而齊明為齊請。効地。趙以為不須合從。因賤趙莊也。齊明為

謂趙王曰。齊畏從之合也。故効地。今聞趙莊賤。張歎

貴。齊必不効地矣。為于偽反。○張歎。蓋敗從者。言齊不効地。今聞從之不成。

則必不効地矣。趙王曰。善。乃召趙莊而貴之。

**考異** 高本畏從下有入字。坊本同。今從劉本。

翟章從梁來。甚善趙王。趙王三延之以相。翟章辭不

受。相息亮反。下同。○田駟謂柱國韓向曰。臣請為卿延進也。謂延請也。田駟謂柱國韓向曰。臣請為卿

刺之。客若死。則王必怒而誅建信君。向許丈反。為于偽反。刺七亦反。

○鮑彪曰。柱國。楚官。蓋趙亦有客。謂章愚謂。言章若死。則王疑建信殺章。欲以專事。必怒而誅之。建

信君死。則卿必為相矣。建信君不死。以為交終身不

敵。卿因以德建信君矣。交。謂下王與建信之交也。言建信畏章為相。奪權。而今見其

死。以為已與王之交。終身不敵。向因令知已為之。以為德也。

**考異** 一本終身作齊一。

馮忌為廬陵君。謂趙王曰。王之逐廬陵君。為燕也。王

曰。吾所以重者。無燕秦也。為于偽反。下為燕為大同。關君長曰。無若無獻于

之家。之無言。不有二國也。愚謂。言吾所以為諸侯所尊重者。以不有二國故也。以明非為燕也。蓋王實為燕逐之。而忌對曰。秦三以虞卿為言。而王不逐也。今

燕一以廬陵君為言。而王逐之。是王輕強秦而重弱

燕也。王曰。吾非為燕也。吾固將逐之。忌猶曰。為燕以難之。故王仍為

之辭。然則王逐廬陵君。又不為燕也。行逐愛弟。又兼無

燕秦臣竊為大王不取也。行猶為也。

**考異** 坊本秦三作秦王。一本燕一作燕王。

馮忌請見趙王。行人見之。馮忌接手俛首欲言而不

敢。見之之見賢遍及下見。王問其故對曰客有見人

於服子者。已而請其罪。服子曰公之客獨有三罪。望

我而笑。是狎也。談語而不稱師。是倍也。交淺而言深

是亂也。倍音佩。謂背其師也。客曰不然。夫望人而笑。是和也。

言而不稱師。是庸說也。交淺而言深。是忠也。夫音扶。下同。

庸常也。鮑彪曰言之常者人所同稱非必師。昔者堯見舜於草茅之中。席

隴畝而蔭庇桑陰。移而授天下。關君長曰庇亦蔭也。庇桑猶翳桑也。陰乃

寸陰之陰。晷景也。陰移謂少頃之間。伊尹負鼎俎而干湯。姓名未著而

受三公。姓名未著謂未久也。使夫交淺者不可以深談。則天下

不傳而三公不得也。以上忌稱客之言也。趙王曰甚善。馮忌曰

今外臣交淺而欲深談可乎。外臣忌自言也。恐王亦如服子故問之也。王

曰請奉教。於是馮忌乃談。

**考異** 坊本言而作言是。授作受。高本授天下下有傳字。坊本同。今從劉杰。坊本無趙王曰甚善。

馮忌曰八字。

客見趙王曰。臣聞王之使人買馬也。有之乎。王曰有

之。何故至今不遣。王曰未得相馬之工也。對曰王何

不遣建信君乎。王曰建信君有國事。又不知相馬。曰

哉。國策正解 卷六下 後周國錄

王何不遣紀姬乎。王曰：紀姬婦人也，不知相馬。對曰：買馬而善，何補於國？王曰：無補於國，買馬而惡，何危於國？王曰：無危於國。對曰：然則買馬善而若惡，皆無危補於國。然而王之買馬也，必將待工。今治天下，舉錯非也。國家為虛戾，而社稷不血食。然而王不待工而與建信君何也？相息亮反，錯七路反，虛音墟。趙王未之應也。客曰：郭偃之法，有所謂桑雍者。王知之乎？王曰：未之聞也。郭偃，即孤偃也。韓子曰：管仲母易，齊嘗引郭偃之法，曰：論至德者，不和於俗。云云。見新序。蓋其書當時有存者也。雍，籬通。吳師道曰：桑中有蠹，以膏液流於外，如麻潰然。所謂桑雍者，便辟左右之近者及夫人

優愛孺子也。此皆能乘王之醉昏而求所欲於王者也。是能得之乎？內則大臣為之枉法於外矣。便婢，音優，近附近之近，為孺子偽反。○便辟，近習，便幸之人也。優，饒也。言愛之甚。孺子，見秦齊策。此客言桑雍之義。

是故日月暉於外，其賊在於內，謹備其所憎而禍在於所愛。暉，當作暉，或古同字。韓子曰：日月暉圍於外，其賊在於內，暉，日月傍氣也。其賊在於內，所謂食於鳥兔也。以喻權臣枉法於外，由中發，蠹惑於內也。所憎，謂權臣所愛，謂嬖寵也。言外備權臣而內戒也。嬖，寵也。

**考異**坊本得相作得買，今治作今將，高本郭偃作燕郭，坊本同，今從劉本。曾本注作淫，桑雍作柔雍。劉本作柔雍，坊本上雍下無。若字，近者作一人一字之乎作之於。

悼襄王凡一章

秦召春平侯。因留之。泄鈞為之謂文信侯曰。春平侯者。趙王之所甚愛也。而郎中甚妬之。故相與謀曰。春平侯入秦。秦必留之。故謀而入之。秦今君留之。是空絕趙。而郎中之計中也。○為于偽反。計中之中。丁仲反。關君長曰。郎中沮王割地。以贖而反。怨留之。而絕好。故曰空絕。

故君不如遣春平侯。而留平都侯。春平侯者。言行於趙王。必厚割趙以事君。而贖平都侯。○關君長曰。厚猶多也。君謂文信侯也。言必勸王多割事君。以贖之。

文信侯曰。善。因與接意而遣之。○關君長曰。因鈞言也。與春平接厚意也。

**考異** 一本謂作請

文信侯出走。與司空馬之趙。趙以為守相。○相息亮反。下相秦相。

假官也。據下文曰。守小官。則非國相。秦下甲而攻趙。司空馬說趙王曰。文信侯相秦。臣事之為尚書。習秦事。今大王使守小官。習趙事。請為大王設秦趙之戰。

而親觀其孰勝。○說始銳反。尚音常。為大之為于偽反。下為大為趙必為同。○設。謂假陳設。其事下文。即是也。趙孰與秦大。曰。不如。民孰與之眾。曰。不如。金錢粟孰與之富。曰。不如。國孰與之治。曰。不如。相孰與之賢。曰。不如。將孰與之武。曰。不如。律令孰與之明。

曰。不如。○治直吏反。將子匠反。下除將軍將自餘。皆同。○之皆指秦也。馬問而王答也。司空馬曰。然則大王之國。百舉而無及秦者。大王之國亡。

我國家正解 卷六 後周 臣



趙王曰。卿不遠趙而惠教以國事。願於因計。遠猶棄也。於因

疑倒。當作因。於計。因猶依也。言依於馬計謀也。司空馬曰。大王裂趙之半以

賂秦。秦不接刃而得趙之半。秦必說。內惡趙之守。外

恐諸侯之救。秦必受之。說音悅。惡烏路反。○張居正曰。內惡以下。再度秦之詞。

秦受地而却兵。趙守半國以自存。秦銜賂以自強。山

東必恐亡。趙自危。諸侯必懼懼而相救。則從事可成。

從子容反。下約從從事同。○銜疑得訛。臣請為大王亡失也。言諸侯恐中失與國而已。國危也。

約從。從事成。則是大王名亡趙之半。實得山東以敵

秦。秦不足亡。言易敵也。趙王曰。前日秦下甲攻趙。趙賂之

以河間十二縣。地削兵弱。卒不免秦患。今又割趙之

半以強秦。力不能自存。因以亡矣。願卿之更計。司空

馬曰。臣少為秦刀筆。以官長而守小官。未嘗為兵首。

請為大王悉趙兵以遇。卒子律反。少詩照反。長丁丈也。筆以書札。刀以削其不當者。關君長曰。兵首猶我

首。此謂將也。謙辭。言惟守小官。未嘗為將也。愚謂。過謂與秦遇而接戰也。趙王不能將。不能。用馬為將。司空馬曰。臣効愚計。

大王不用。是臣無以事大王。願自請。鮑彪曰。猶乞骸骨。司空

馬去趙。渡平原。平原津令郭遺勞。而問秦兵下趙。上

客從趙來。趙事何如。勞力報反。○上客。尊客也。司空馬言其為趙

王計。而弗用。趙必亡。平原令曰。以上客料之。趙何時

亡。司空馬曰。趙將武安君。期年而亡。若殺武安君。不

伐國策正解 卷六下 後周廢症

過半年。期音基。武安君李牧也。趙王之臣有韓倉者。以曲合於

趙王。其交甚親。其為人疾賢妬功臣。今國危亡。王必

用其言。武安君必死。高誘曰。曲邪也。韓倉必讒殺武安也。韓倉果惡之。

王令人代。令力呈反。惡猶毀也。按。下章使趙蔥。頭最代武安。武安君至。使韓

倉數之曰。將軍戰勝王觴。將軍將軍為壽於前。而捍

匕首當死。數色主反。數讓也。飲人以酒曰觴。捍疑。當作插。字之誤也。匕首短劍。其首似匕。插

匕首如欲刺王。然故其罪當死。武安君曰。緜病鈞身大臂短。不能及

地。起居不敬。恐懼死罪於前。故使工人為木材以接

手上。若不信。緜請以出示。出之袖中。以示韓倉。狀如

振捆纏之以布。願公入明之。恐丘勇反。緜。武安名也。病鈞。謂年臂拘攣。若

鈞之狀。故臂短。接續也。振。捆末詳。要之必器材名也。韓倉曰。受命於王。賜將軍

死不赦。臣不敢言。高誘曰。言不敢明將軍。武安君北面再拜。賜

死。縮劍將自誅。乃曰。人臣不得自殺。宮中過司馬門。

趨甚疾。出諂門也。右舉劍將自誅。臂短不能及。銜劍

徵之於柱。以自刺。刺七亦反。縮。摺通。引也。司馬門。宮門也。諂。通。離也。東京賦云。諂

門。曲榭。蓋別門名也。徵。義未詳。疑當作質。惠文王策。吳干之劍。質之石上。而擊之。則碎為百柱。蓋諂門之

柱也。武安君死。五月趙亡。終上文。不過半年之言。平原令見諸公。

必為言之曰。嗟茲乎司空馬。嗟。茲。歎聲。歎。其言不達也。又以為司

空馬逐於秦。非不智也。去趙。非不肖也。趙去司空馬

而國亡。國亡者。非無賢人。不能用也。去。司之去。起呂反。

考異

一本使守之守作臣高本惠教作悉敵一本受之作受地高本却作却坊本可成作有成

高本無請為之為字趙賂下無之字坊本願卿下無之字高本筆作筆一本作奉筆坊本小官作小

吏兵首作兵臣而弗之弗作不劉本捍作捍坊本

遇司空馬門坊本言之言之言茲作

秦使王翦攻趙趙使李牧司馬尚禦之李牧數破走

秦軍殺秦將桓齮王翦惡之乃多與趙王寵臣郭開

等金使為反間曰李牧司馬尚欲與秦反趙以多取

封於秦趙王疑之使趙蔥及顏最代將斬李牧廢司

馬尚後三月王翦因急擊大破趙殺趙軍虜趙王遷

及其將顏最遂滅趙

數色角反將子匠反惡烏路反

記作趙蔥

考異

坊本三作五

凡三十六章

戰國策正解卷六下 終

